

मैं के बोलूं मईया री,
तन्नै सब बातां का बैरा स,
पिछली साल घणे तारे,
पर इबके नम्बर मेरा स ॥

तुं चहावः त फुटी,
तकदीर समरज्या पल भर में,
तुं चहावः त हाथां की,
लकीर बदलज्या पल भर में,
तुं चहावः त होवे उजाला,
ना त घोर अंधेरा स ॥

मेरे अगड़ पड़ोसी सारे,
तन्नै सबका काम बनाया स,
किसे न गाडी लेली,
किसे न महल बनाया स,
यो के हाल बनाया स,
मेरा दो कमरां में डेरा स ॥

तुं दोनु हाथ लुटावः,
तेरे घणे खजाने भरे पड़े,
हम रोटी पुरी करते,
ओर कमा कमा क मरे पड़े,
छप्पन करोड़ का बंफर खुलज्या,

इतणा माल भतेरा स ॥

मेरा सपना पुरा होगा,
ना छोडी कदे आस मन्नै,
तुं सुणेगी विनती मेरी,
यो पक्का विस्वास मन्नै,
देर सही अंधेर नहीं,
नरसी ने इतणा बैरा स ॥

मैं के बोलूं मईया री,
तन्नै सब बातां का बैरा स,
पिछ्ली साल घणे तारे,
पर इबके नम्बर मेरा स ॥

गायक नरेंद्र कौशिक जी ।
प्रेषक राकेश कुमार जी ।
खरक जाटान(रोहतक)
9992976579

Source:

<https://www.bharattemples.com/main-ke-bolu-maiya-ri-tane-sab-bata-ka-bera-se/>



Bharat Temples

Complete Bhajans Collections - Download Free Android App

<https://play.google.com/store/apps/details?id=com.numetive.bhajans>

Facebook: <https://www.facebook.com/bharattemples/>

Telegram: <https://t.me/bharattemples>

Youtube: <https://www.youtube.com/channel/UC24oJCxZjyhhKzSUD-Lt9Tw>